

文淵閣

四庫全書

影印

文淵閣四庫全書

第一二七三冊

北京出版集團公司
北京出版社

本冊目次

甫田集	明 文徵明撰	……一
附先君行略	明 文嘉述	……一
泰泉集	明 黃佐撰	……二九九
西村詩集	明 朱朴撰	……三九七
補遺	明 朱綵編	……三九七
天馬山房遺稿	明 朱濶撰	……四三九
蘇門集	明 高叔嗣撰	……五六一
愚谷集	明 李舜臣撰	……六五三

欽定四庫全書

集部

甫田集卷二

詳校官給事中臣王鍾健

中書_臣劉源溥覆勘

總校官檢討_臣何思鈞

校對官學正_臣湯垣

謄錄監生_臣董邦本

欽定四庫全書

集部六

甫田集

別集類五明

提要

_臣等謹案甫田集三十五卷附錄一卷明文

徵明撰徵明初名瑩以字行更字徵仲號衡

山長洲人以歲貢薦授翰林院待詔事迹具

明史文苑傳是集凡詩十五卷文二十卷附

錄行畧一卷其仲子嘉所述也徵明與沈周

欽定四庫全書

甫田集
提要

皆以書畫名亦並能詩揮灑淋漓但自寫其

天趣如雲容水態不可限以方圓徵明詩則

雅飭之中時饒逸韻靜志居詩話記其告何

良俊之言曰我少年學詩從陸放翁入故格

調卑弱不若諸君皆唐音也此所謂如魚飲

水冷暖自知皎然不誣其本志然周天懷坦

易其畫雄深而蒼莽詩格如之徵明秉志雅

潔其畫細潤而瀟灑詩格亦如之要亦各肖

其性情不盡由於所做效也朱彞尊明詩綜錄徵明詩十五首其池上一首得諸墨迹為本集所不載且稱其集外流傳者甚多惜無廣搜為續集者然練素流傳半真半贗與其如吳鎮倪瓚諸集多收偽本固不如據其家集猶不失本來面目矣乾隆四十四年七月恭校上

欽定四庫全書

南田集
提要

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

甫田集卷一

詩八十首 附錄四首

明文徵明 撰

秋夜

忽忽故園夢悠悠淞上城一夜耳不息水邊踈柳聲開
閉月如畫十里秋盈盈中心亂無執散上岡頭行吳山
望不際眼角柔雲生男兒志遺世物故難為情

欽定四庫全書

南田集
卷一

故園

屋舍小山村終然思故園雨晴秋倚閣月出夜開門好
景亦時改遠人空目存梅花未消息行矣晚何言

有懷劉協中

東風度幽館羣鳥相和鳴念子會無期茫然過清明春
江芳草遠懷人心目驚如何多朋友我獨傍山城豈無
樽酒歡亦有花木榮所憐異鄉物徒念心怔營白雲度
水去日暮山縱橫倚闌詠修竹千里何當并

答唐子畏夢余見寄之作

故人別後千回夢想見詩中語笑譁自是多情能記憶
春來何止到君家

行色

秋山馬前空復橫馬蹄不作看山行悠然回首何處所
此心已到他州城火燈匆匆鷄一聲貴賤富貧俱有程
相有一語出不得細雨欲落空江明

東葛城夜發

欽定四庫全書

甫田集
卷一

二

蕭蕭東葛路馬上聽嚴更月出高山黑天空遠水明年
光秋漸索客子夜猶行村落知何處時聞犬吠聲

至定山辱莊先生贈詩次韻奉答

穉齒窮身豈有知偶陪高論得移時感公不以愚頑棄
顧我何堪遠大期草閣便須終歲住僕人休訝出山遲
歸來乞得堯夫句暮雨秋燈不斷思

定山莊先生贈詩附

一燈何處寫相知對坐寒窓暮雨時詩本平生非杜甫

琴才臨老遇鍾期儘堪出手名家早但覺忘年得友
遲儻許無言真妙意欲將千載慰相思

不寐

孤坐忽不樂挑燈當我前素書橫几案欲讀已茫然當
年念有負誓志軼前賢富貴亦何物未老已自憐嗟哉
肯惡聞零落今同馬

大雪不出偶成八韻自齋中所見外皆禁不犯

靜坐朝慵出不知風雪臨凝暉上窓紙積冷到衣衾小

欽定四庫全書

甫田集
卷一

三

片投牆隙餘威結研心聆音琤可喜想像浩難禁童子
傳來看家人報說深卷書空自照杯酒不辭斟意賞何
煩對傳聞不害吟未應閉戶臥不及放舟尋

簡子畏

落魄迂疎不事家郎君性氣屬豪華高樓大叫秋觴月
深幄微酣夜擁花坐令端人疑阮籍未宜文士目劉叉
只應郡郭聲名在門外時停長者車

甲寅除夜雜書

千門萬戶易桃符東舍西鄰送歷書二十五年如水去
人生消得幾番除

多事關心偶不眠隨人也當守殘年不須更說新春事
來歲今宵在目前

人家除夕正忙時我自挑燈揀舊詩莫笑書生太迂闊
一年功課是文詞

小童篝火潔門閭為說今年忌掃除却有窮愁與多病
無因歲晚一般驅

欽定四庫全書

甫田集
卷一

四

遙夜遲遲燭有花家人懽笑說年華人生勿苦求身外
常得團圓有樂家

崇義院雜題

小院風清橘吐花牆陰微轉日斜斜午眠新覺書無味
閒倚闌干嗽苦茶

縹緲游絲墮不收悠然庭砌綠陰稠院涼僧少音聲絕
時聽敲門亦自幽

六月門前暑似炊殿堂深處未曾知晚涼浴罷思歸去

更為松風佇少時

殿閣微涼吹葛衣檻前梅子雨霏霏清談時有閒僧對
手摩挲欄當塵揮

白日悠悠抵歲遙困來書卷暫相拋馬蹄不到松陰下
手弄殘棋獨自敲

茗碗壺薰意有餘日長人散閉精廬俄然屋角涼風順
吹起新蟬亂讀書

繞寺松杉近百栽孤花明透綠叢開晚涼却扇池邊立

欽定四庫全書

甫田集
卷一

五

嫋嫋餘芬度水來

髻几新揩滑欲流時時弄筆小窓幽自憐多好還成累
揮汗為人寫扇頭

修廊如洗斷塵囂白粉牆圍碧瓦索擁鼻徐行成獨詠
晚風吹亂石芭蕉

飲于畏小樓

今日解馳逐投閒傍高廬君家在臯梅誼闌井市區何
以掩市聲充樓古今書左陳四五冊右傾三兩壺我飲

良有限伴子聊相娛與子故深密奔忙坐闊疎旬月一
會面意勤情有餘蒼煙薄城首振袖復躊躇

余畫金焦落照圖吳水部德徵先生寄詩二首

題謝長句

憶昨浮船下揚子平翻渺渺波千里何來雙鳥挾飛樓
璣環彤煌截濤起夕峯倒墮滿江陰霜樹高浮半空紫
舟人指點落日處凌亂煙光射金綺平生快觀無此奇
却恨歸帆北風駛至今偉蹟在胸中回首登臨心不已

欽定四庫全書

南田集
卷一

六

偶然興落尺紙間便欲平吞大江水固知心手不相能
塗抹聊當臥遊爾情窓舒卷日數回不敢示人聊自喜
水部先生詩有名忽寄瑤篇重稱美漫云家法自湖州
自媿區區何足齒由來題品係名聲何況先生是詩史
君不見當年畫馬曹將軍附名甫集猶不死又不見閻
公有謂起文儒池上俄蒙畫師耻人生固有幸不幸拙
劣何堪古人擬江山千載等陳迹一笑寧須論非是

水部二詩附

戲拈秃筆寫金焦萬里青天見玉標未用按圖神已
徃耳邊似接海門潮

閒寫金焦鎮海門夕陽孤鶩淡江痕一枝畫筆承傳
久須信先生老可孫

乙卯除夕

糕果登盤酒薦椒咲歌聊用永今宵老親自喜還家健
幼女仍誇學語嬌終歲悲歡言莫盡一燈團聚福難消
桃符日歷年年好不謂青春却暗凋

欽定四庫全書

南田集
卷一

七

暮春

高榆風定翠相圍天氣悠揚思轉微畫閣凝香新試扇
春肌生汗欲更衣乍聞幽鳥渾無見時墮游絲忽漫飛
惆悵東闌尋曉夢落花芳草已都非

靈巖山絕頂望太湖

靈巖山正當胥口落日西南望太湖雙鳥如螺浮欲吐
片帆和鳥去俱無閒論往事何能說不見高人試一呼
慎勿近前波浪恐大都奇絕在模糊

讀于肅愍旌功錄有感

南遷議起共倉皇一疏支傾萬弩強既以安危繫天下
曾無羽翼悟君王莫嫌久假非真有祇覺中興未耿光
淺薄晚生何敢異百年公論自難忘

老臣自處危疑地天下遑遑尚握兵千載計功真足掩
一時起事豈無名當時欲赦于王或謂不殺二人則今
日之事為無名然則復辟之事豈無
名未論時宰能生殺須信天王自聖明地下有知應不
恨萬人爭看墓門旌

欽定四庫全書

南田集
卷一

因讀旌功錄有感徐武功事

固鎖高垣事可吁更恐何罪易皇儲諸公方有同謀懼
識者能無意外虞機會如斯何可失功名之際本難居
冤哉一掬江湖血信史他年未必書

冬夜讀書

故書不厭百回讀病後惟應此味長千古精神如對越
一燈風雨正相忘卷中求道深知謬意外圖名抑又荒
束髮心情誰會得中宵撫几自茫茫

寂夜一首致于建

中宵聞零雨撫枕起躊躇昏釭栖素壁流燭照重幃感
此寂無語戚然興我思我思何鬱伊欲舉焚如絲少壯
不待老功名須及時男兒不仗劍亦須建雲旗三十尚
隨人奚以操筆為文章可腴道曾不療寒饑仰屋愧浮
塵俯睇影依依人生良有命何獨令心悲心悲髮為白
失脚令身危欲為絕世行道遠恐不支世情忌檢飭歛
目俟其疲誰能七尺身受此千變機役役亦徒爾多憂
得無癡惟應慎厥躬古人以為期

欽定四庫全書

南田集
卷一

春閨

綠陰生寂晝遲遲薄汗沾裳氣力微起傍曲闌垂手立
清風細細落薔薇

兒子晬日口占二絕句

堂前笑展晬盤時漫說終身視一持我已蹉跎無復望
試陳書卷卜吾兒
吾家積德亦云稠不易生兒到歲周印綬干戈非敢冀

百年聊欲紹箕裘

秋夜不寐有懷錢二孔周

客散西堂夜悄然，修筠涼吹供清眠。
踈螢紈扇秋無賴，淺水紅蕖月可憐。
侍女銀杯搖雪乳，誰家玉笛唱嬋娟。
意中憶得城東闕，孤鶴翩翩骨有仙。

前年

前年伴嫁南鄰妹，今歲仍陪北舍姨。
老我無媒心獨苦，閉門好畫入時眉。

欽定四庫全書

南田集
卷一

詠堯民案上盆蘭

崇蘭移自荆溪上，小盞春深自着花。
賓客清閒塵土遠，曉窓親沃案頭茶。
渺渺微風約珮環，楚江清落研屏間。
美人不見瑤琴歇，一卷離騷對掩關。

詠文信國事四首

地轉天旋事不同，老臣臨市自從容。
誓將西嶺填東海，忍着南冠向北風。
千里勤王空赴義，百年養士獨收功。

人間別有成仁樂，未用區區悼此公。

倉卒勤王萬里身，風塵顛倒作累臣。
三綱已去嗟何補，一死臨期認自真。
直以安危繫天下，未宜成敗論斯人。
遺文尚可誅姦賊，何但悲辛泣鬼神。

國勢已離天命去，孤臣狼狽阻殘兵。
分當如此餘非計，事訖無成死有名。
平日公卿咸肉食，千年忠義屬書生。
天心悔禍寧無日，惜不令公見肅清。

南北間關百戰餘，此身宗社許馳驅。
可憐功業惟詩在，自決存亡與國俱。

欽定四庫全書

南田集
卷一

強敵至殘猶歎服，皇天無意竟何如。
平生心事堪誰訴，漫托他年半紙書。

枕上聞雨有懷宜興杭道卿

時道卿客唐子畏西樓

三更風雨鬧虛簷，燈燭寥寥抱枕眠。
應有旅遊人不寐，淒涼莫到小樓前。

厓山大忠祠

鼎湖龍遠野雲陰，慷慨中流誓國心。
臣力不支香氣竭，忠魂有限海波深。
百年仁義空漸盡，此日神州遂陸沉。

峻節奇功磨不得崖山突兀自千尋

皇天不祐宰臣謀萬里樓船一浪休飄蕩已知吾事去
覆亡安用此身浮祇今潮自如期至終古江應不盡流
折戟併銷塵海換行人猶自說碇州

頻年航海欲何為天厭中原遂不支滿地江湖無死所
際天風浪有平時倉皇一念聊臣分寂寞中流賴史知
回首又看強敵滅寒潮自繞大忠祠

千載英雄餘恨在怒濤驚浪日撻撞有天肯與仇同戴

欽定四庫全書

莆田集

主

無面能看主再降烈士深悲甘蹈海中原不復竟如江

君王莫罪風波惡應是憐人解覆邦

追和倪元鎮先生江南春

象牀凝寒照藍筍碧幌蘭溫瑤鴨靜東風吹夢曉無蹤
起來自覓驚鴻影彤簾霏霏宿餘冷日出鶯花春萬井
莫怪啼痕栖素巾明朝紅媽鑒作塵春日遲遲春波急
曉紅啼春香霧濕青華一失不再及飛絲縈空眼花碧
樓前柳色迷城邑柳外東風馬嘶立水中荇帶牽柔萍

人生多情亦多營

雪後

寒日晶晶曉溜聲中庭快雪一宵晴牆西老樹太骨立
恁裏幽人殊眼明想見漁蓑無限好怪來詩思不勝清
江南殘臘相將盡會看門前春水生

與邢麗文登葑門城樓

天風異制木蛇空雉堞差差夕照中百里山川形勝舊
萬家煙火歲年豐迤南茂苑迷陳迹直北荒原識故宮

欽定四庫全書

莆田集

主

會取千年興廢理與君極目送飛鴻

夜坐聞雨有懷子畏次韻奉簡

車橋南畔唐居士一榻秋風擁病眠用世已銷橫梁氣
謀身未辦買山錢鏡中顧影鸞空舞檻下長鳴驥自憐
正是憶君無奈冷蕭然寒雨落窓前

歲暮齋居即事

簷樹扶疎帶亂鴉蕭齋只似野人家紙窓獵獵風生竹
土盎浮浮火宿茶日色射雲時弄彩雨絲吹雪不成花

庭中卉物凋零盡獨有蒼松領歲華

陋巷蕭條少過從
燕閒真味泊然空
荒鷄寂晝深庭院
寒雀西風小樹聚
撫事蹉跎歲云暮
懷人牢落雨其濛
鑪香欲歇茶杯覆
詠得梅花苦未工

過吉祥寺追和故友劉協中遺詩

殿堂深寂竹林閒
坐戀樓陰忘卻還
水竹悠然有遐想
會心何必在空山

塵蹤俗面強追閒
慚愧空門數往還
不見故人空約在

欽定四庫全書

南田集
卷一

十四

黃梅雨暗郭西山

協中詩附

城裏幽棲古寺閒
相依半日便思還
汗衣未了奔馳債
便是逢僧怕問山

景德寺

古屋無人犬護籬
偶拋塵土得幽棲
不知何福能消受
滿地松陰一鳥啼

次韻題子畏所畫黃茆小景

斜日翻波山倒浸
晚晴幻出西南勝
絕島雙螺樹色浮

遙天一線鷗飛剌
誰剪吳淞尺紙間
唐君曾有洞庭山
古藤危磴黃茆渚
細草荒宮消夏灣
我生無緣空夢墮
三十年來蟻旋磨
睡起窻前展畫看
恍然垂手磯頭坐
湖山宜雨亦宜晴
春色龍蔥秋月明
知君作畫不是畫
分明詩境但無聲
古稱詩畫無彼此
以口傳心還應指
從君欲下一轉語
何人會吸西江水

吳隱之畫像

欽定四庫全書

南田集
卷一

十五

貪廉自我非泉致
刺史詩篇萬古新
展卷蕭然袍笏在
世間多少負慚人

十年遺像識真難
重是高風不可刊
一樣廣州俱刺史
幾人傳入畫圖看

暮春齋居即事

經旬寡人事蹤跡
小窻前暝色連殘
雨春寒宿野煙茗
杯眠起味書卷靜
中緣零落梅花瘦
風吹更可憐
閒庭青草積春半
思蒼茫小雨作寒
食微風汎海棠芳

情經病減白日廢書長何物供歌枕紫簾一炷香

畫鵲

日光浮喜動簷楹鳥鵲於人亦有情小雨初收風潑潑
亂飛叢竹送歡聲

畫烏

城頭霜落月離離匝樹羣烏欲定時會有人占丈人屋
微風莫自裊空枝

與達甫燕坐小齋為寫竹石

欽定四庫全書

南田集
卷一

十六

對坐焚香習燕清好風如水汎簾旌夕陽忽見疎疎影
落木空江生遠情

秋夜懷昌國

初秋雨時霽夕景歛炎疴躡屐遵廣除矯首睇明河白
露浣衣帶商飈振庭柯縞月升雲闕照我東牆阿故人
不得將良夜空婆娑非無一樽酒顧影當奈何

陰蟲抱莎啼秋風在庭戶微涼逗短葛月出照團露驚
禽飛漠漠顧見庭中樹柔枝日以疎安得共遲暮人生

豈獨堅坐閱衡杓度憂來搔短髮衰薄已堪數

除夕

梅花欲動意婆娑雪霰侵陵奈歲何呵凍笑供春帖子
殘年清債已無多

辟瘟細細焚靈丹坐倚寒檠向夜闌臘意亦知人戀歲
為留殘雪隔年看

題王侍御敬止所藏仲穆馬圖

聲聲才情與世疎等閒零落傍江湖不應泛駕終難用

欽定四庫全書

南田集
卷一

十七

閒看王孫駿馬圖

洞庭東山詩七首

太湖

沙渚依依雲不動風煙漠漠鳥飛回橫空暝色翻波去
絕島秋聲繞樹來今古奔騰疑地盡東南偉麗自天開
眼中浩蕩扁舟在欲喚鴟夷酌一杯

百街嶺

遙街百磴轉欹寄落日扶輿下嶺遲與樹蔽虧湖冉冉

因山高下屋疊疊儉勤成俗從知富靈秀鍾人信有奇
十載一行殊恨晚分金不見橘黃時

宿靜觀樓

守谿先生作記

抱被何緣三宿戀燒燈一笑兩人俱秋山破夢風生樹
夜水明樓月在湖盡占物華知地勝時聞人語覺村孤
不煩詩句追清賞太史楮間記是闕

游能仁彌勒

鬱然臺殿鎖芙蓉見客山僧自打鐘小檻浮空秋水閣

欽定四庫全書

甫田集卷一

文

虛庭隨影夕陽松泗州名在池無塔

寺有泗州池能照僧伽塔今廢飯

石師歸寺有峯

飯石禪師嘗住此寺有飯石峯

欲掃南牆留半偈白雲

回首覩塵蹤

宿靈源寺

夜隨鐘梵入靈源一笑虛堂解帶眠旋接僧談多舊識

偶依禪榻豈前緣離離松檜搖山月兀兀樓臺宿暝煙

塵身何年傳到此

壁間有餘詩

篝燈試讀已茫然

翠峯寺

雪竇禪師道場中有降龍井悟道泉

空翠夾輿松十里斷碑橫路寺千年遺蹤見說降龍井

裏茗來嘗悟道泉伏臘滿山收橘柚蒲團倚戶泊雲煙
書生分願無過此悔不曾參雪竇禪

游洞庭將歸再賦

城中遙指一螺蒼到此依然自一鄉曉鼓隔溪漁作市

魚舟至則鳴鼓衆人秋風吹枳橘連牆名山更倚湖增勝清賞剛

臨月有光正爾會心空又去不如僧住竹間房

再和昌國游洞庭西山詩八首

欽定四庫全書

甫田集卷一

十九

自胥口入太湖

薰葭繚繞帶胥塘百里沿洄笠澤長新水浮天舟浩蕩

遠山沉日樹蒼涼風煙西去堪乘興鷄犬中流別有鄉

詠得鱸肥人膾玉自敲漁榜答滄浪

縹緲峯

雜草遙遵鹿兔蹤飛嵐拂袖映疎松平湖萬頃玻璃色

落日千尋縹緲峯煙樹吳都晴上掌秋風雲夢晚填胸

無煩咋指傷韓愈儘有閒情在短筇

下縹緲峯小憩西湖寺

迴嶺懸藤稍倦攀
稅鞍中路得禪關
百年清淨山中債
半日浮生竹院閒
小雨磬聲延午夢
方池雲影淡秋顏
此行別有堪誇事
得與高僧共往還

經桃花塢

塢名雖存已廢

夕陽下馬桃花塢
不見桃花塢亦慕
溪壑春風空舊夢
柴扉流水或秦人
圖經可按桑田異
詩客多情燕麥新
不用苦辛仍買種
梁園金谷總成塵

欽定四庫全書

南田集
卷一

下

左神洞

裏梁懷炬探幽玄
稍即哈呀復曠然
蕩瀟微聞頭上浪
光晶別有地中天
千年何物局丹刻
相傳有神禹丹書在洞
一勾憐君負紫泉
內有紫泉飲之長生
莫嘆虛酬十年願
祇應凡骨未能仙

左神道中

玉虛靈府千年秘
恣討知君眼境新
平日登高推短賦
西來濟勝有輕身
湖山四面天開寺
橘柚千家土著民

他日菟裘如有意
願攜書冊作比鄰

謁毛公壇雨不果行

擬攀棲迹拜靈仙
辛苦佳期一雨愆
短策空多探古興
方壇剛欠訪真緣
興懷丹篆愁雲外
敗意蒼聲客枕前
賴是勝情初未減
錦囊添得卧遊篇

遊資慶寺

老衲深居湖上山
松扉斜掩磬聲寒
袈裟對客妨秋定
蔬筍開厨破晚餐
未愧逡巡留偈子
自緣疎野戀蒲團

欽定四庫全書

南田集
卷一

下

歸來煙月篇章富
乞與幽人得細看

何蓑衣故跡

塵世神仙事渺茫
綠蓑誰識老佯狂
華夷日月尋常語
掉首當年動帝王

福壽院殘碑

秋風塵劫草離離
曾是前元福壽基
願力未隨文字滅
有人下馬讀殘碑

甫田集卷一

欽定四庫全書

甫田集卷二

詩七十一首

明文徵明 撰

方方壺畫

煙沈密樹蒼山暝波捲長空白鳥迴
細雨斜風蓑笠具釣船何事却歸來

新波獵獵弄風蒲雨後雲山半有無
一段勝情誰領略

欽定四庫全書

甫田集
卷二

欲從畫裏喚方壺

書昌國憶母詩後

音容杳渺夢中塵游子空吟寸草春
莫怪掩篇雙淚落就中吾是有心人

春草冥冥雨暗阡轉頭二十七更年
平生自謂心如鐵

腸斷徐卿泣母篇

和答石田先生落花十首

點徑沾籬已燦然飛簾撲面更翩聯
紅吹晴雪風千片

錦蹙春雲浪一川老惜髯飄禪榻畔
醉看燕蹴舞筵前

無情剛恨通宵雨斷送芳華又一年

零落佳人意暗傷為誰憔悴減容光
將飛更舞迎風面

已褪猶嬌洗雨妝芳草一年空路陌
綠陰明日自池塘

名園酒散春何處惟有歸來屐齒香

蜂撩褪粉偶粘衣春減都消一片飛
蒂撓園風無那弱

影搖庭日已全稀樽前漫有盈盈淚
陌上空歌緩緩歸

未便小齋渾寂寞綠陰幽草勝芳菲

欽定四庫全書

甫田集
卷二

悵人無奈曉風何逐水紛紛不戀柯
春雨捲簾紅粉瘦

夜涼踏影月明多章臺舊事愁邊路
金縷新聲夢裏歌

過眼莫言皆物幻別收功實在蠶窠

戰紅酣紫一春忙回首春歸屬渺茫
竟為雨殘緣太冶

未隨風盡有餘香美人睡起空攀樹
蛺蝶飛來却過牆

脉脉芳情天萬里夕陽應斷水邊腸

桃蹊李徑綠成叢春事飄零付落紅
不恨佳人難再得

緣知色相本來空舞筵意態飛燕禪
榻情懷裊裊風

蝶使蜂媒都懶慢一番無味夕陽中

開喜穠纖落更幽樹頭何用勝溪頭有時細數坐來久
盡日貪看忘却愁惹草縈沙風冉冉傷春恨別水悠悠
不堪舊病仍中酒踈雨濃煙鎖畫樓

風裊殘枝已不任那堪萬點更愁人清溪浣恨難成錦
紅雨鑒香併作塵明月黃昏何處怨游絲白日靜中春
急須辦取東欄醉倒地猶堪藉綺茵

飛如有戀墮無聲曲砌斜臺看得盈細草栖香朱點染

欽定四庫全書

南田集
卷二

三

晴絲撩片玉輕明江風飄泊明妃淚綠葉差池杜牧情
賴是主人能愛惜不曾緣客掃柴荆

情知芳事去還來眼底飄飄自可哀春漲平添棄脂水
曉寒思築避風臺沾衣成陣看非雨點徑能勻襯有苔
穠綠已無藏艷處笑他蜂蝶尚徘徊

王婆墩次楊儀部韻

遙看塢一聚到只屋三間姬姓隨墩在僧廊得鮮殷秋
濃山照閣雨足水侵關依舊刺船去回瞻樹杪欄

江船對月效樂天何處難忘酒

何處難忘酒江船對月時風聲傳笑語波影散須眉遠
火山浮動明河天倒垂此時無一餞水月負佳期

金山寺待月

浮玉山前玉露涼晚潮微上月洋洋魚龍深夜浮光怪
雲樹遙空帶渺茫水國題詩酬一宿中泠裹茗薦初嘗
江風吹酒不能睡起踏松陰自繞廊

金陵客樓與陳滄夜話

欽定四庫全書

南田集
卷二

四

卷書零亂筆縱橫對坐寒窓夜二更奕世通家叨父行
十年知己愧門生高樓酒醉燈前雨孤榻秋深病裏情
最是世心忘不得滿頭塵土說功名

九月二十八夜夢中作

碧桐已蕭蕭水谷流泱泱獨行蒼莽間犬吠人跡絕旭
日穿樹林青煙忽消滅時看殿簷風吹落松上雪

題養逸圖

書卷茶壺百慮融夢回午枕竹窓風忙身見畫剛生媿